

CONVENIO DE COLABORACIÓN ENTRE O INSTITUTO ENERXÉTICO DE GALICIA (INEGA) E O CONCELLO DE PARADA DE SIL PARA SUBMINISTRO DE ENERXÍA ELÉCTRICA Á FABRICA DA LUZ DE BARXACOVA

En Santiago de Compostela, 2 de xuño de 2020

REUNIDOS

Dunha parte, D. [REDACTED], en nome e representación do Instituto Enerxético de Galicia, en adiante Inega, con domicilio na rúa Avelino Pousa Antelo, nº 5, 15703- Santiago de Compostela, e na súa calidade de director deste, cargo para o que foi nomeado polo Decreto 235/2012, do 5 de decembro, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Pola outra parte d. [REDACTED], actuando en nome e representación do Concello de Parada de Sil, na súa calidade de alcalde-presidente do Concello, en virtude das facultades representativas que lle atribúe o artigo 61.1 da Lei 5/1997 do 22 de xuño da Administración Local de Galicia.

Interveñen en función dos seus respectivos cargos e no exercicio das súas facultades que, para negociar e adoptar acordos en nome das entidades que representan teñen conferidas e

EXPOÑEN

Primeiro.- Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".

Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

Segundo. Que a Fábrica da Luz de Barxacova é unha das primeiras infraestruturas hidroeléctricas construídas en Galicia a principios do século pasado (entre 1914-1916).

Por iniciativa do Concello de Parada de Sil, recuperouse este patrimonio industrial. O edificio estaba en ruínas, convertido nunha escombreira e cun forte impacto negativo sobre o medio ambiente. Hoxe é albergue turístico, cantina, sala multiusos, organízanse actividades de turismo activo, formación ambiental, contribuíndo á posta en valor dos recursos patrimoniais, culturais e ambientais da zona. Na súa contorna está a Pasarela do Mao, hoxe icona da Ribeira Sacra, o PR-G177, a Ruta BTT-Ribeira Sacra, así como a necrópole alto medieval de San Víctor de Barxacova.

A subministración eléctrica na actualidade realízase mediante placas solares fotovoltaicas e grupos electrógenos (coa conseguinte contaminación ambiental e acústica) ao carecer de rede eléctrica de alimentación, o que fai que durante a maior parte do ano sexa inviable a súa apertura.

A solución técnica adoptada para unha subministración eléctrica de forma continua, consiste na construción e posta en servizo dunha rede en baixa tensión dende Barxacova.

Faise necesaria a posta en valor da Fabrica da Luz de Barxacova debido ó interese social, medio ambiental e económico que supón para a zona, convertendo esta instalación industrial de principios do século pasado nun atractivo turístico mais da Ribeira Sacra e, polo tanto, de todos os veciños do concello de Parada de Sil e os seus visitantes.

Terceiro.- Que o presente convenio de colaboración implica a concesión dunha subvención directa ao abeiro do disposto no artigo 19.4.c) da Lei 9/2007, do 13 de xuño, de subvencións de Galicia, non sendo posible promover unha convocatoria pública, dada a especialidade do seu obxecto e concorrencia de razóns de interese público, social, económico e medioambiental como son a posta en valor da Fabrica da Luz de Barxacova para que sirva de atractivo turístico do Concello, razóns polas cales ambas institucións consideran moi conveniente asinar este convenio.

En virtude do exposto e co obxecto de fixar as condicións que rexerán tal colaboración, as partes conveñen celebrar este convenio conforme coas seguintes

CLÁUSULAS

Primeira. Obxecto.

Constitúe o obxecto deste convenio o establecemento das condicións da colaboración entre o Inega e o Concello de Parada de Sil, para levar a cabo o subministro eléctrico á Fabrica da Luz de Barxacova.

Os traballos a realizar son a dotación da subministración de enerxía eléctrica, desde a rede de distribución de enerxía eléctrica existente na zona, ás actuais instalacións da Fábrica da Luz e a outras posibles instalacións na súa contorna (alumeado público exterior) da Fabrica da Luz. Proxéctase a construción dunha liña de Baixa tensión, en condución aérea e soterrada, desde Barxacova ata a parcela na que está situada A Fabrica da Luz.

Debido a lonxitude da liña de baixa tensión que hai que construír e para que non se produza unha caída de tensión moi elevada, pretendese instalar un centro de transformación elevador na saída da localidade de Barxacova, no que se realizará un aumento de tensión pasando de 400 V da rede de distribución existente, a 960 V, que será a tensión á que se realice o transporte de enerxía ata un novo transformador redutor que estará situado nas proximidades da Fabrica da Luz, no que se pasará da tensión de 960 V ós 400 V, en trifásico, ós que se realizará a alimentación aos equipos eléctricos.

Durante a vixencia do convenio desenvolveranse un conxunto de actuacións cuxo alcance e orzamento se definen no anexo I.

Segunda. Contía da Axuda

Para o desenvolvemento do obxecto do presente Convenio, o Inega achegará a cantidade de 15.000,00 € do seu orzamento de gastos para o ano 2020, con cargo a aplicación orzamentaria 09.A2.733A.760.9.

Terceira. Gastos subvencionables

De acordo co previsto no artigo 29 da Lei 9/2007, do 13 de xuño, considéranse subvencionables os gastos que, sen admitir dúbida, responda á natureza da actividade subvencionada de acordo coas previsións de orzamentos recollidos na cláusula segunda e que se realicen a partir do 1 de xaneiro de 2020. En ningún caso o custe de adquisición dos gastos subvencionables poderá ser superior ao valor de mercado.

De conformidade co artigo 29.7 da Lei de subvencións de Galicia, os gastos financeiros, os gastos de asesoría xurídica ou financeira, os gastos notariais e rexistrals e os gastos periciais para a realización do proxecto subvencionado e os de administración específicos son subvencionables se están directamente relacionados coa actividade subvencionada e son indispensables para a adecuada preparación e execución da mesma.

O importe correspondente ó IVE so poderá ser imputado ó convenio na contía que non sexa recuperada ou compensada pola entidade, o cal deberá ser acreditado por esta mediante declaración responsable coa xustificación do convenio.

Cuarta.- Compromisos do Concello de Parada de Sil

1. Levar a cabo as actuacións obxecto deste convenio e o cumprimento da súa finalidade.
2. Presentar previamente á sinatura do convenio:
 - a) Certificacións de atoparse ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, en cumprimento do disposto no artigo 11.e) da Lei 9/2007, de 13 de xuño, de subvencións de Galicia.
 - b) Declaración responsable de non estar incurso en ningunha das prohibicións para obter subvencións contempladas no artigo 10 da mesma Lei 9/2007.
3. Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas respectivas funcións de fiscalización e control de destino das axudas concedidas e facilitar a inspección e control dos órganos do Instituto Enerxético de Galicia co gallo de supervisar o cumprimento do obxecto do convenio.
4. Comunicar ao Instituto Enerxético de Galicia a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais, tan pronto se teña coñecemento das mesmas.
5. Cumprir co disposto no artigo 11 da Lei 9/2007, de 13 de xuño, de subvencións de Galicia, respecto das obrigas que teñen que cumprir os beneficiarios.
6. Achegar os documentos que acrediten a execución do investimento, así como os informes e demais documentos que poidan ser esixidos polo Instituto Enerxético de Galicia.

7. Proceder ao reintegro, total ou parcial, dos fondos percibidos e máis os xuros de mora devengados dende o momento do pagamento da subvención ata a data na que se acorde a procedencia do reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007.

8. Destinar o investimento ao fin concreto para o que se concedeu a subvención segundo o disposto no artigo 29 da lei 9/2007, fixándose a estes efectos un período de afección que se corresponde coa vida útil da instalacións, e cun mínimo de cinco anos.

9. Facer constar expresamente a colaboración prestada polo Instituto Enerxético de Galicia na información e publicidade das actuacións obxecto do convenio coa utilización do correspondente logotipo identificativo acompañado do logotipo da Xunta de Galicia.

Durante a realización do proxecto, e durante o período de duración dos compromisos de mantemento do investimento, o beneficiario informará ao público do apoio obtido do Inega e da Xunta de Galicia colocando un cartel con información sobre o proxecto (de un tamaño mínimo A3) no que se mencionará a axuda financeira do Inega, nun lugar ben visible para o público .

9. En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Administración, ao organismo ou á entidade das previstas no artigo 3.1 da Lei 1/2016, do 18 de xaneiro, de transparencia e bo goberno, a que se atopen vinculadas, previo requirimento, toda a información necesaria para ao cumprimento por aquela das obrigas previstas no Título I da citada lei.”

10. En xeral, todas aquelas actividades que baixo a supervisión da Comisión Mixta de Seguimento do convenio, sexan necesarias para a correcta execución das accións previstas.

Poderán producirse cambios nas actividades contempladas neste convenio, que supoñan algunha modificación da programación inicial prevista. As propostas procederán do Inega ou do Concello de Parada de Sil, e serán tratadas na Comisión Mixta de Seguimento que se regula na cláusula décimo terceira deste documento. En todo caso, sempre se terá en conta a finalidade para a que se asina este convenio.

Quinta. Compromisos do Inega

Contribuír economicamente ó desenvolvemento do proxecto coa cantidade máxima de 15.000 euros.

Sexta.- Xustificación e pagamento

1. A achega feita polo Inega traspasarase ao Concello de parada de Sil en dous pagamentos a realizar do seguinte xeito:

- a. Unha primeira achega de 7.500 € , que se efectuara unha vez asinado o convenio.
 - b. Unha segunda achega de 7.500 € unha vez rematado o proxecto consistente en levar a cabo o subministro eléctrico á Fabrica da Luz de Barxacova e previa xustificación en forma e prazo das actuacións realizadas e a súa comprobación polo persoal do Inega. .
2. Concretamente, a xustificación da subvención por parte do beneficiario, realizarase mediante a achega, ó remate dos traballos, da seguinte documentación:
- a. Unha certificación expedida pola Secretaría da entidade local, con visto e praxe do alcalde ou presidente relativa á aprobación polo órgano competente da conta xustificativa da subvención na que se faga constar, como mínimo de forma detallada:
 - 1.º O cumprimento da finalidade da subvención.
 - 2.º Os distintos conceptos e contías correspondentes ós gastos totais soportados pola entidade beneficiaria imputables á actuación subvencionada ca seguinte relación: identificación do/acreedor/a, número de factura ou documento equivalente, certificado da obra, importe, data de emisión e data de recoñecemento da obrigación polo órgano competente.
 - b. Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custes xenerais e/ou indirectos incorporados na relación a que se fai referencia na certificación expedida polo secretario da entidade local.
 - c. Os tres orzamentos que, en aplicación do artigo 29 da lei 9/2007, de 13 de xuño, de subvencións de Galicia, deba ter solicitado o concello de Parada de Sil ou copia completa- preferiblemente escaneada, ou ben en soporte papel- da documentación integrante do expediente de contratación.

Así, cando o importe do gasto subvencionable supere a contía de 40.000 € no suposto de custo por execución de obra, ou de 15.000€ no suposto de subministración de bens de equipo ou prestación de servizos por empresas de consultaría ou asistencia técnica, o beneficiario deberá solicitar como mínimo tres ofertas de diferentes provedores, con carácter previo a contratación do compromiso para a prestación do servizo ou a entrega do ben, salvo que polas especiais características dos bens subvencionables non exista no mercado suficiente número de entidades que o subministren ou presten, ou salvo que o gasto se realizase con anterioridade á solicitude da subvención.

A elección entre as ofertas presentadas, que deberán achegarse na xustificación, ou, se é o caso, na solicitude de subvención, realizarase de conformidade con criterios de eficiencia e economía, e deberá xustificarse expresamente nunha memoria a elección cando non recaia na proposta económica mais vantaxosa.

d. Declaración do conxunto de axudas solicitadas ou concedidas para a mesma finalidade. De ser o caso, deberá achegarse copia simple da resolución de concesión desas axudas.

e. Certificados de estar ao corrente nas obrigas tributarias e coa Seguridade Social e de non ter pendente ningunha débeda, por ningún concepto, coa Administración Pública da Comunidade Autónoma.

3. O Instituto Enerxético de Galicia resérvase o dereito de solicitar toda a documentación que considere precisa, re relación coa xustificación do cumprimento do obxecto do co convenio.

4. As consecuencias no caso de incumprimento do proxecto serán as seguintes:

- a) Incumprimento total: se o beneficiario xustifica conceptos, partidas e/ou elementos subvencionables aprobados que representen menos do 50 % do importe total do investimento subvencionable, se entenderá que non acadou os obxectivos propostos na solicitude e, polo tanto, perderá o dereito de cobramento da subvención.
- b) Incumprimento parcial: se a xustificación é igual ou superior ao 50%, pero sen acadar o 100% do investimento subvencionable, o beneficiario percibirá a subvención proporcional correspondente ao investimento xustificado admisible sempre que cumpra o resto das condicións de concesión e a finalidade ou obxectivos para os que se concedeu a axuda.

Sétima. Concorrenza con outras subvencións pública

Para a execución das actuacións previstas neste convenio poderanse percibir outras axudas, subvencións ou recursos destinados a mesma finalidade, procedentes de calquera administración ou entes públicos ou privados, nacionais, da Unión Europea ou de Organismos internacionais sempre que o conxunto de axudas obtidas non supere o 100% do gasto elixible.

O incumprimento do disposto neste artigo considerarase alteración das condicións tidas en conta para a concesión da axuda e poderá dar lugar á modificación da resolución da concesión.

Oitava. Vixencia

O presente convenio entrará en vigor ao día seguinte ao da súa sinatura e terá vixencia ata o 30 de decembro de 2020.

Novena. Inexistencia de relación laboral

A subscripción deste convenio non supón ningunha relación laboral contractual ou de calquera outro tipo entre os profesionais que vaian a desenvolver as actividades e o Inega, de tal xeito que non se lle pode esixir á entidade pública ningunha responsabilidade polos actos ou feitos acontecidos no seu desenvolvemento.

Décima. Subcontratación

Para o desenvolvemento das actuacións o Concello de Parada de Sil efectuará as subcontratacións precisas de acordo co disposto no artigo 27 da Lei 9/2007, do 13 de xuño, de subvencións de Galicia.

Décimo primeira. Modificación

Toda alteración das condicións tidas en conta para a sinatura deste convenio, e, en todo caso, a obtención doutras axudas ou subvencións outorgadas por outras administracións ou entes públicos ou privados, nacionais ou internacionais, poderá dar lugar á modificación do convenio.

Decimo segunda. Reintegro da subvención

Calquera incumprimento do establecido no presente convenio, das obrigas dos beneficiarios que sinala o artigo 11 da Lei 9/2007, do 13 de xuño, de subvencións de Galicia, a achega de documentación fraudulenta ou a desviación do obxecto do gasto a fins distintos dos estipulados neste Convenio, darán lugar á resolución convenio, coa obriga de reintegro parcial ou total das cantidades percibidas ata o momento tal e como establece o artigo 33 e seguintes da Lei 9/2007, do 13 de xuño, de subvencións de Galicia e a través do procedemento establecido polo artigo 37 e seguintes da mesma Lei.

Decimo terceira. Comisión de seguimento

Coa finalidade de asegurar a correcta execución deste convenio constituirase unha Comisión Mixta de Seguimento, que estará composta por dous representante do Inega, actuando un deles como Presidente e outro como Secretario e dous representantes do Concello de Parada de Sil

Son funcións da Comisión as seguintes:

1. Realizar o seguimento das actuacións do convenio
2. Propor solucións aos conflitos que puideran xurdir na aplicación e interpretación das cláusulas do convenio.
3. As que sexan precisas para garantir a correcta execución do convenio.

A Comisión reunirse as veces que sexan precisas a petición de calquera das partes asinantes.

Décimo cuarta. Protección de datos

As partes están obrigadas a cumprir coas normas sobre a protección de datos, concretamente o que establece na Lei Orgánica 3/2018, do 5 de decembro, de protección de Datos Persoais e garantía dos dereitos dixitais.

Décimo quinta. Publicidade

En canto á publicidade, procederase de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

En virtude do disposto no parágrafo anterior o Concello de Parada de Sil consinte expresamente a inclusión e publicidade no devandito rexistro dos datos relevantes referidos ao convenio.

Décimo sexta.- Causas de resolución

Serán causas de resolución do convenio procedendo o reintegro, total ou parcial, da axuda percibida e dos xuros de mora correspondentes as determinadas no artigo 33 da Lei 9/2007, de 13 de xuño.

En especial, serán causas de resolución do presente convenio as seguintes:

- Transcurso do prazo de vixencia establecido sen que se leve a cabo o obxecto do mesmo.
- Mutuo acordo entre as partes.
- A imposibilidade sobrevida para o cumprimento dos termos do presente acordo.
- A denuncia de calquera das partes formulada por escrito con quince días de antelación.
- incumprimento total ou parcial dalgunha das súas cláusulas.

Decimo sétima. Natureza e Réxime Xurídico

O presente convenio ten natureza administrativa, quedando fóra do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

Este convenio o ter carácter administrativo todas as diferenzas que poidan xurdir entre o Inega e o Concello de Parada de Sil, en relación coas cuestións controvertidas non resoltas no seno da comisión de seguimento, someteranse ao coñecemento da xurisdición contencioso-administrativa.

O presente convenio rexerá polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de Abril de 1991, sobre convenios de colaboración con outros entes

públicos e con particulares, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno; pola Lei 38/2003, do 17 de novembro, xeral de subvencións e o Real Decreto 887/2006, do 21 de xullo, polo que se aproba o Regulamento da devandita Lei; pola Lei 9/2007 de 13 de xuño, de subvencións públicas e o resto da normativa de aplicación.

E en proba de conformidade, asínase o presente convenio de colaboración, en duplicado exemplar, no lugar e data indicado ao comezo.

O director do Instituto Enerxético de Galicia

O alcalde-presidente do Concello de Parada de Sil.

ANEXO I

A distribución aproximada do orzamento das actuacións a desenvolver dentro do convenio de colaboración entre o Concello de Parada de Sil e o Inega é a seguinte:

		CAPÍTULO C01 LÍNEA ELÉCTRICA AÉREA EN BAIXA TENSIÓN		
EAHHV630R11	3,00	Ud APOIO DE HORMIGON HV-630-R-11. UNIDADE MONTADA E EN CONDICIÓNS DE SER UTILIZADA.	624,53	1.873,59
EAHHV1000R11	1,00	Ud APOIO DE HORMIGON HV-1000-R-11. UNIDADE MONTADA E EN CONDICIÓNS DE SER UTILIZADA.	762,58	762,58
EAHHV630R13	4,00	Ud APOIO DE HORMIGON HV-630-R-13. UNIDADE MONTADA E EN CONDICIÓNS DE SER UTILIZADA.	760,86	3.043,44
EDRBTS	8,00	Ud DERIVACIÓN RBTS UNIDADE MONTADA E EN CONDICIÓNS DE FUNCIONAR.	34,26	274,08
EMLTBTRZ95	460,00	MI LINEA TENSADA B.T. RZ 0,6/1 kV 3x95 Al/54,6 Alm UNIDAD MONTADA, PROBADA E EN CONDICIÓNS DE SER UTILIZADA.	7,01	3.224,60
ETBALCU95	12,00	Ud TERMINAL BIMETALICO Al-Cu RECTO COMPRESION 95 UNIDADE MONTADA, PROBADA E EN CONDICIÓNS DE SER UTILIZADA.	7,30	87,60
ECACPG400NF	16,00	Ud CONXUNTO AMARRE CON PINZA E GANCHO 400 PARA FIADOR UNIDADE MONTADA E EN CONDICIÓNS DE SER UTILIZADA.	12,52	200,32
ESREABT	8,00	Ud SEÑAL DE RIESGO ELÉCTRICO 1000V EN APOIO B.T. UNIDADE MONTADA.	2,96	23,68
EPPASBTA	1,00	Ud PROTECCION PASO AEREO-SUBTERRANEO B.T. EN APOIO. UNIDADE MONTADA E EN CONDICIÓNS DE SER UTILIZADA.	59,45	59,45
ECAAH	8,00	Ud CEGAMENTO ALVEOLOS APOIO HORMIGÓN UNIDADE MONTADA.	102,76	1.815,11
		TOTAL CAPÍTULO C01 LÍNEA ELÉCTRICA AÉREA EN BAJA TENSIÓN		10.371,42

PARTIDA	Cantidade	Conceptos	Prezo unit	Prezo total
		CAPÍTULO C02 CENTRO DE TRANSFORMACIÓN ELEVADOR		
EAHHV1000R11	1,00	Ud APOIO DE HORMIGON HV-1000-R-11. UNIDADE MONTADA E EN CONDICIÓNS DE SER UTILIZADA.	762,58	762,58
EAUT50KVAE	1,00	Ud AUTOTRANSFORMADOR 50 kVA 400/960V INTEMPERIE CON INT. AUTOMATICO UNIDADE MONTADA E EN CONDICIÓNS DE SER UTILIZADA.	4.286,10	4.286,10

		Ud SINAL DE RISCO ELÉCTRICO 1000V EN APOIO B.T.		
ESREABT	1,00	UNIDADE MONTADA.	2,96	2,96
		Ud CEGAMENTO ALVEOLOS APOIO HORMIGÓN		
ECAAH	1,00	UNIDADE MONTADA.	102,76	102,76
ECAAH	1,00	Ud POSTA A TERRA DE NEUTRO de BT Cu AILLADO 50 UNIDADE MONTADA E EN CONDICIÓNS DE SER UTILIZADA.	125,11	125,11
		TOTAL CAPÍTULO C02 CENTRO DE TRANSFORMACIÓN ELEVADOR		5.279,51

PARTIDA	Cantidad	Conceptos	Prezo unit	Prezo total
		CAPÍTULO C03 CENTRO DE TRANSFORMACIÓN REDUCTOR		
EAUT50KVAR	1,00	Ud AUTOTRANSFORMADOR 50 kVA 960/400V INTEMPERIE CON INT. AUTOMATICO UNIDADE MONTADA E EN CONDICIÓNS DE SER UTILIZADA.	4.157,93	4.157,93
EPTPERC	1,00	Ud POSTA A TIERRA DE CT REDUCTOR UNIDADE MONTADA E EN CONDICIÓNS DE SER UTILIZADA.	310,68	310,68
ECASOCCT	1,00	Ud CASETA DE BLOQUE PARA CENTRO DE TRANSFORMACIÓN REDUCTOR E MEDIDA UNIDADE MONTADA E EN CONDICIÓNS DE SER UTILIZADA.	2.190,27	2.190,27
EM3PTICTP	4,00	M3 PREPARACIÓN TERRENO INSTALACIÓN C.T. PREFABRICADO UNIDADE EXECUTADA.	56,77	227,08
EM2APCTP	10,00	M2 ACERA PERIMETRAL DE C.T. PREFABRICADO. UNIDADE MONTADA E EN CONDICIÓNS DE SER UTILIZADA.	63,51	635,10
ECPUPN120	2,00	Ud CONXUNTO PERFILES UPN 120, PARA SUSTENTAR TRAFO UNIDADE INSTALADA E EN DISPOSICIÓN DE SER UTILIZADA	103,97	207,94
EIOSCNPCS	1,00	Ud INSTALACIÓN/SUBSTITUCIÓN CERRADURA NORMALIZADA EN PORTA C.T. UNIDADE MONTADA E EN CONDICIÓNS DE SER UTILIZADA.	35,29	35,29
		TOTAL CAPÍTULO C03 CENTRO DE TRANSFORMACIÓN REDUCTOR		7.764,29

PARTIDA	Cantidad	Conceptos	Prezo unit	Prezo total
		CAPÍTULO C04 LÍNEA ELÉCTRICA SUBTERRANEA EN BAIXATENSIÓN		
EMZ4X10SR	765,00	MI ZANXA EN SEMI-ROCA DE 35x120 cm Retirada de materiais sobrantes a vertedoiro autorizado. UNIDADE EXECUTADA.	21,48	16.432,20



EML2T160H	765,00	MI CANALIZACIÓN CON 2 TUBOS P. VERMELLO D=160 mm HORMIGONADOS UNIDADE EXECUTADA, PROBADA E EN CONDICIIONS DE SER UTILIZADA	9,59	7.336,35
EAEFCAH	1,00	Ud ARQUETA PARA CANALIZACION ELECTRICA CON AROS ø 100 mm Ud. Arqueta rexistro para canalización de electricidade, construída UNIDADE EXECUTADA, E EN CONDICIIONS DE SER UTILIZADA	363,09	363,09
EMLRREPAS	765,00	MI ROTURA E REPOSICIÓN DE CALZADA SOBRE FIRME DE HORMIGÓN DE 15CM. UNIDAD MONTADA E EN CONDICIONES DE SER UTILIZADA.	26,95	20.616,75
EMRV4X1X95	785,00	MI LINEA SUBTERRANEA B.T. CABLE XZ1 0,6/1 kV 4x1x95 mm2 Al UNIDAD MONTADA E EN DISPOSICIÓN DE SER UTILIZADA.	8,87	6.962,95
ESH4T	3,00	Ud SELADO HASTA 4 TUBOS UNIDAD EXECUTADA E EN CONDICIIONS DE SER UTILIZADA.	9,11	27,33
ETMPCT	4,00	Ud TALADRO DE MUROS PARA COLOCACIÓN DE TUBOS UNIDAD EXECUTADA.	50,17	200,68
EMLMARV15	670,00	MI MARCA VIAL P. ACRILICA A=15CM UNIDADE TOTALMENTE REMATADA E EN DISPOSICIÓN DE SER UTILIZADA.	0,59	395,30
		TOTAL CAPÍTULO C04 LÍNEA ELÉCTRICA SUBTERRANEA EN BAIXA TENSIÓN		52.334,65

PARTIDA	Cantidade	Conceptos	Prezo unit	Prezo total
		CAPÍTULO C05 ALIMENTACIÓN A FÁBRICA DA LUZ		
EAMETC160	1,00	Ud MODULO DE MEDIDA TRIFASICO PARA DOUS CLIENTES. ENTRE 15 kW Y 63A UNIDAD MONTADA E EN CONDICIIONS DE SER UTILIZADA.	739,21	739,21
EMZ4X10SR	10,00	MI ZANJA EN SEMI-ROCA DE 35x120 cm UNIDAD EXECUTADA.	21,48	214,80
EML2T160H	10,00	MI CANALIZACIÓN CON 2 TUBOS P. VERMELLO D=160 mm HORMIGONADOS UNIDAD EXECUTADA, PROBADA E EN CONDICIIONS DE SER UTILIZADA.	9,59	95,90
ESH4T	1,00	Ud SELLADO HASTA 4 TUBOS UNIDADE EXECUTADA E EN CONDICIIONS DE SER UTILIZADA.	9,11	9,11
ECGFABL	1,00	Ud CUADRO GENERAL DE FUERZA E CONMUTACIÓN UNIDADE MONTADA E EN CONDICIIONS DE SER UTILIZADA.	1.562,01	1.562,01
ERV3X50NPEAS	20,00	MI CONDUCTOR RV 0,6/1 kV (AS) 3x50 mm2 Cu + N + PE MI. Conductor tipo RV 0,6/1 kV 3x50 mm2 Cu + N (25 mm2 Cu) UNIDADE MONTADA E EN DISPOSICIÓN DE SER UTILIZADA	16,83	336,60
ECEOSE	6,00	MI CANALIZACIÓN PARA INST. ELECTRICA UNIDADE MONTADA E EN CONDICIIONE DE SER UTILIZADA.	2,98	17,88

EMYCOTTEX	1,00	Ud MEJORA Y CONEXIONADO DE TIERRAS EXISTENTES UNIDAD EXECUTADA E EN CONDICIONS DE SER UTILIZADA.	171,18	171,18
EMMPPT	1,00	Ud MURO DE MAMPOSTERIA UNIDAD EXECUTADA E EN CONDICIONS DE SER UTILIZADA	217,52	217,52
		TOTAL CAPÍTULO C05 ALIMENTACIÓN A FÁBRICA DA LUZ		3.364,21

		TOTAL CAPÍTULO C01 LÍNEA ELÉCTRICA AÉREA EN BAJA TENSIÓN		10.371,42
		TOTAL CAPÍTULO C02 CENTRO DE TRANSFORMACIÓN ELEVADOR		5.279,51
		TOTAL CAPÍTULO C03 CENTRO DE TRANSFORMACIÓN REDUCTOR		7.764,29
		TOTAL CAPÍTULO C04 LÍNEA ELÉCTRICA SUBTERRANEA EN BAJA TENSIÓN		52.334,65
		TOTAL CAPÍTULO C05 ALIMENTACIÓN A FÁBRICA DA LUZ		3.364,21

PRESUPUESTO DE EJECUCIÓN MATERIAL **79.114,08**

13,00 % Gastos xenerais: **10.284,83**

6,00 % Beneficio Industrial **4.746,84**

SUMA : **94.145,75**

I.V.A. (21%): **19.770,61**

TOTAL PRESUPUESTO EXECUCIÓN : **113.916,36**